

CENTERS FOR MEDICARE & MEDICAID SERVICES

Առողջ մնալը Medicare-ի կանխարգելիչ ծառայությունները

Առողջ մնալու հեշտ և կարևոր միջոցը հիվանդությունների կանխարգելման և վաղ հայտնաբերման ծառայություններ ստանալն է: Նրանք կարող են օգնել Ձեզ վաղաժամ հայտնաբերել առողջական խնդիրները, երբ բուժումը լավագույնս արդյունավետ է: Խոսեք Ձեր բժշկի կամ բուժօժանայություն մատուցողի հետ՝ պարզելու համար, թե ինչ ստուգումներ կամ այլ ծառայություններ կարող են Ձեզ անհրաժեշտ լինել, և որքան հաճախ պետք է դրանք ստանաք առողջ մնալու համար: Եթե Դուք ունեք Medicare Մաս B, Դուք ստանում եք բազմաթիվ կանխարգելիչ ծառայություններ՝ Ձեզ համար անվճար:

Ինչ եք Դուք վճարելու

Եթե Դուք ունեք Medicare Մաս B, Դուք ոչինչ չեք վճարի բազմաթիվ կանխարգելիչ ծառայությունների համար, եթե դրանք ստանաք որակավորված բժշկից կամ այլ առողջապահական ծառայություններ մատուցողից, ով ընդունում է հանձնարարականը: Հանձնարարականը Ձեր բժիշկի, ծառայություն տրամադրողի կամ մատակարարի համաձայնությունն է՝ վճարվելու անմիջականորեն Medicare-ի կողմից, ստանալու այն գումարը, որ հաստատում է Medicare-ը ծառայությունների համար և չպահանջելու Ձեզանից գումար ավելին քան Medicare -ից՝ չհատուցվող գումարն է կամ համաապահովագրությունը: Եթե Դուք ունեք Medicare-ի առողջապահական պլան, որոշ պլաններ կարող են չգանձել պահումներ, համավճարներ կամ համաապահովագրություն որոշակի ներցանցային, Medicare-ի կողմից ապահովագրված կանխարգելիչ ծառայությունների համար: Անմիջապես կապվեք Ձեր պլանի կամ նպաստների ադմինիստրատորի հետ՝ Ձեր ծախսերի մասին ավելին իմանալու համար: Medicare-ի առողջապահական պլանների մասին ավելի շատ տեղեկատվություն ստանալու համար այցելեք [Medicare.gov/sign-up-change-plans/different-types-of-medicare-health-plans](https://www.medicare.gov/sign-up-change-plans/different-types-of-medicare-health-plans):

Medicare-ը ծածկում է այս կանխարգելիչ ծառայությունները՝

Որովայնային աորտայի անևրիզմի զննում

Մեկանգամյա ուլտրաձայնային զննում ռիսկային համարվող անձանց համար: Եթե Դուք որովայնային աորտայի անևրիզմայի ընտանեկան պատմություն ունեք, կամ 65-75 տարեկան տղամարդ եք և Ձեր կյանքի ընթացքում ծխել եք առնվազն 100 սիգարետ, Դուք համարվում եք ռիսկային խմբի մեջ:

Medicare-ը հատուցում է այս կանխարգելիչ ծառայությունները՝ (շարունակություն)

Ալկոհոլի չարաշահման զննում և խորհրդատվություն

Medicare-ն ընդգրկում է տարեկան ալկոհոլի չարաշահման մեկ զննում մեծահասակների համար (ներառյալ հղի կանանց)՝ բացահայտելու նրանց, ովքեր չարաշահում են ալկոհոլը, բայց ալկոհոլից կախվածություն չունեն: Եթե Ձեր զննման արդյունքները դրական են, ապա տարեկան կտրվածքով Դուք կարող եք իրավասու լինել չորս կարճատև խորհրդատվական հանդիպումների (եթե Դուք ունակ և զգոն եք խորհրդատվության ընթացքում): Ձեր առաջնային խնամքի բժիշկը կամ առաջնային խնամքի ծառայության այլ տրամադրողը պետք է Ձեզ խորհրդատվություն տա առաջնային խնամքի միջավայրում (օրինակ՝ բժշկի գրասենյակում):

Ոսկրային զանգվածի գնահատում

Այս ստուգումներն օգնում են որոշել, թե արդյոք Ձեզ սպառնում է ոսկրերի կոտրվածք: Medicare-ը հատուցում է այս ստուգումները 24 ամիսը մեկ (ավելի հաճախ, եթե կա բժշկական ցուցում)՝ օստեոպորոզի ռիսկի տակ գտնվող որոշակի մարդկանց համար:

Սրտանոթային վարքային թերապիա

Medicare-ը կփոխհատուցի տարեկան մեկ այցելություն Ձեր առաջնային խնամքի բժշկի կամ այլ առաջնային խնամք տրամադրողի մոտ՝ օգնելու նվազեցնել սրտանոթային հիվանդության ռիսկը: Այդ այցելության ընթացքում Ձեր բժիշկը կարող է քննարկել ասպիրինի օգտագործումը (անհրաժեշտության դեպքում), ստուգել Ձեր արյան ճնշումը և առաջարկել Ձեզ առողջ սնվելու համար հևարներ:

Սրտանոթային հիվանդությունների զննում

Այս զննումները ստուգում են Ձեր խոլեստերինի, լիպիդների և տրիգլիցերիդների մակարդակը՝ պարզելու համար, թե արդյոք Դուք սրտի կաթվածի կամ ինսուլտի ռիսկի տակ եք: Medicare-ն հատուցում է սիրտ-անոթային հիվանդությունների զննումը 5 տարին մեկ անգամ:

Արգանդի վզիկի և հեշտոցի քաղցկեղի զննում

Medicare-ը ծածկում է ՊԱՊ թեստերը և կոնքի հետազոտությունները՝ արգանդի վզիկի և հեշտոցի քաղցկեղի առկայությունը ստուգելու համար: Medicare ունեցող բոլոր կանայք կարող են անցնել այս թեստերն ու հետազոտությունները 24 ամիսը մեկ անգամ, իսկ բարձր ռիսկի տակ գտնվող կանայք կարող են դրանք անցնել 12 ամիսը մեկ անգամ: Medicare-ը նաև հատուցում է մարդու պապիլոմավիրուսի (HPV) թեստերը (երբ տրվում է ՊԱՊ թեստով) 5 տարին մեկ անգամ, եթե Դուք 30-65 տարեկան եք և չունեք HPV-ի այստանիշներ:

Կոլոռեկտալ քաղցկեղի զննում

Այս ստուգումներն օգնում են կոլոռեկտալ քաղցկեղի վաղ հայտնաբերմանը, երբ բուժումն առավել արդյունավետ է: Եթե Դուք 45 տարեկան եք կամ ավելի բարձր, կամ գտնվում եք կոլոռեկտալ քաղցկեղի բարձր ռիսկի տակ, Medicare-ը հատուցում է այս սկրինինգային թեստերից մեկը կամ մի քանիսը՝ կղանքում թաքնված արյան թեստ, արյան միջոցով բիոմարկերի թեստ, ճկուն սիգմոիդոսկոպիա, սքրինինգային կոլոնոսկոպիա, բարիոմի կլիզմա և կղանքի բազմաթիրախային ԴՆԹ թեստ (օր.՝ Cologuard™): Որքան հաճախ է Medicare-ը վճարում այս թեստերի համար, կախված է թեստից և կոլոռեկտալ քաղցկեղի ռիսկի մակարդակից: Դուք և Ձեր բժիշկն եք որոշում, թե որ ստուգումն է Ձեզ համար ամենարդյունավետը:

Ծխախոտի օգտագործման և ծխախոտի հետևանքով առաջացած հիվանդությունների կանխարգելման խորհրդատվություն

Medicare-ը ծածկում է ծխելու և ծխախոտի օգտագործումը դադարեցնելու խորհրդատվությունը ծխախոտ օգտագործող մարդկանց համար: Ծխախոտ օգտագործելու դեպքում 12-ամսյա կտրվածքով կարող եք ստանալ մինչև 8 խորհրդատվություն:

Դեպրեսիայի (ընկճախտի) զննում

Medicare-ը մեկ տարվա ընթացքում հատուցում է դեպրեսիայի ուղղությամբ մեկ զննում Medicare ծրագրից օգտվող բոլոր անձանց համար: Դուք պետք է զննումն անցնեք առաջնային խնամքի տրամադրման վայրում (օրինակ՝ բժշկի գրասենյակում), որտեղ անհրաժեշտության դեպքում կարող եք ստանալ հետագա բուժում և ուղեգրումներ:

Դիաբետի (շաքարախտի) զննում

Medicare-ը հատուցում է արյան սքրինինգային թեստերը՝ դիաբետի կամ նախադիաբետային վիճակի առկայությունը ստուգելու համար: Դուք կարող եք անցնել այս թեստերը, եթե Դուք համարվում եք դիաբետի ռիսկի տակ, եթե գեր եք, կամ եթե ունեք արյան բարձր ճնշում, խոլեստերինի և տրիգլիցերիդների նորմալի սահմաններից դուրս մակարդակի պատմություն (դիսլիպիդեմիա) կամ արյան բարձր շաքարի պատմություն: Medicare-ը նաև հատուցում է այս թեստերը, եթե Դուք համապատասխանում եք այս չափանիշներից 2-ին կամ ավելին՝ 65 և ավելի բարձր տարիքի, ավելորդ քաշ, շաքարային դիաբետի ընտանեկան պատմություն (ծնողներ, եղբայրներ, քույրեր), գեստացիոն դիաբետի պատմություն (դիաբետ հղիության ընթացքում), կամ Դուք ծննդաբերել եք ավելի քան 9 ֆունտ կշռող երեխա: Ձեր թեստի արդյունքների հիման վրա Դուք կարող եք իրավասու լինել տարեկան մինչև 2 զննման:

Դիաբետի ինքնակառավարման ուսուցում

Այս դասընթացը սովորեցնում է Ձեզ, թե ինչպես հաղթահարել և կառավարել Ձեր շաքարախտը: Ձեր ուսուցումը կարող է ընդգրկել խորհուրդներ առողջ սնվելու, ակտիվ լինելու, արյան շաքարը վերահսկելու, դեղորայք ընդունելու և ռիսկերը նվազեցնելու վերաբերյալ: Medicare-ը հատուցում է այս ուսուցումը, եթե Դուք ունեք դիաբետ և գրավոր հրահանգ եք ստանում Ձեր բժշկից կամ այլ առողջապահական ծառայություններ մատուցողից:

Գրիպի դեմ պատվաստումներ

Այս պատվաստումներն օգնում են կանխարգելել հարբուխը կամ գրիպի վիրուսը: Medicare-ը հատուցում է այս պատվաստումները յուրաքանչյուր գրիպի սեզոնի համար մեկ անգամ:

Գլաուկոմայի թեստեր

Այս թեստերը օգնում են ստուգել աչքի գլաուկոմա հիվանդության առկայությունը: Medicare-ը հատուցում է այս ստուգումների հետ կապված ծախսերը յուրաքանչյուր 12 ամիսը մեկ անգամ գլաուկոմայի բարձր ռիսկային խմբում գտնվող անձանց համար:

Ջեպատիտ Բ-ի դեմ պատվաստումներ

Ներարկումների այս շարքը պաշտպանում է մարդկանց Ջեպատիտ Բ-ով վարակվելուց: Medicare-ը հատուցում է այս ներարկումները Ջեպատիտ Բ-ով վարակվելու միջին կամ բարձր ռիսկ ունեցող մարդկանց համար:

Medicare-ը հատուցում է այս կանխարգելիչ ծառայությունները՝ (շարունակություն)

Չեպատիտ B վիրուսի (HBV) վարակի զննում

Medicare-ը հատուցում է HBV վարակի զննումները HBV վարակի բարձր ռիսկ ունեցող մարդկանց և հղի կանանց մոտ: Medicare-ը կփոխհատուցի այս զննումները միայն այն դեպքում, եթե առաջնային խնամք տրամադրողը նշանակի դրանք: Medicare-ը տարեկան հատուցում է HBV վարակի զննումները շարունակական բարձր ռիսկ ունեցողների համար, ովքեր չեն պատվաստվում հեպատիտ B-ի դեմ: Medicare-ը նաև հատուցում է այս զննումները հղիների համար յուրաքանչյուր հղիության համար առաջին նախածննդյան այցի ժամանակ, ծննդաբերության ժամանակ կամ շարունակական ռիսկի գործոններ ունեցողների համար և ապագա հղիությունների առաջին նախածննդյան այցի ժամանակ (տույնիսկ եթե Դուք նախկինում ստացել եք հեպատիտ B-ի պատվաստում կամ ունեցել եք բացասական HBV սերինինգի արդյունքներ):

Չեպատիտ C-ի սերինինգային թեստեր

Medicare-ը հատուցում է հեպատիտ C-ի մեկանգամյա սերինինգային թեստը 1945-ից 1965 թվականներին ծնված մարդկանց համար: Medicare-ը նաև հատուցում է տարեկան զննումները բարձր ռիսկի տակ գտնվող որոշ մարդկանց համար, ներառյալ նրանց, ովքեր օգտագործում կամ օգտագործել են ապօրինի ներարկվող դեղամիջոցներ կամ արյան փոխներարկում են կատարել մինչև 1992 թվականը:

ՄԻԱՎ-ի զննում

Medicare-ը հատուցում է ՄԻԱՎ-ի (մարդու իմունային անբավարարության վիրուսի) զննումները, եթե Դուք 15-65 տարեկան եք և վտանգի տակ չեք, կամ 15 տարեկանից փոքր կամ 65 տարեկանից մեծ եք և բարձր ռիսկի տակ եք: Medicare-ը հատուցում է այս թեստը 12 ամիսը մեկ անգամ կամ հղիության ընթացքում մինչև 3 անգամ:

Թոքերի քաղցկեղի զննում

Medicare-ը հատուցում է թոքերի քաղցկեղի զննումը ճառագայթման ցածր չափաբաժիններով համակարգչային տոմոգրաֆիայի միջոցով տարին մեկ անգամ, եթե Դուք համապատասխանում եք այս բոլոր թարմացված պայմաններին. Դուք 50-77 տարեկան եք, չունեք թոքերի քաղցկեղի նշաններ կամ ախտանիշներ (ասիմպտոմատիկ), ծխող եք կամ թողել եք ծխելը վերջին 15 տարվա ընթացքում, ունեք ծխախոտ ծխելու առնվազն 20 «տուփ-տարվա» պատմություն (միջինը մեկ տուփ (20 ծխախոտ) օրական 20 տարվա ընթացքում), և Դուք ունեք Ձեր բժշկի հրահանգը: Նախքան թոքերի քաղցկեղի առաջին զննումը, Դուք պետք է հանդիպում նշանակեք Ձեր բժշկի հետ՝ քննարկելու օգուտներն ու ռիսկերը և որոշելու, թե արդյոք զննումը ճիշտ է Ձեզ համար:

Մամոգրաֆիա (կրծքագեղձի քաղցկեղի զննում)

Medicare-ը փոխհատուցում է մամոգրաֆիան 12 ամիսը մեկ անգամ 40 և ավելի բարձր տարիքի կանանց համար: Medicare-ը նաև ընդգրկում է մեկ բազային մամոգրաֆիա 35-39 տարեկան կանանց համար:

Medicare-ի դիաբետի կանխարգելման ծրագիր

Եթե Դուք նախադիաբետային վիճակում եք և համապատասխանում եք այլ չափանիշներին, Medicare-ը հատուցում է կյանքի ընթացքում մեկ անգամ ապացուցված առողջական վարքագծի փոփոխության ծրագիր, որը կօգնի Ձեզ կանխել 2-րդ տիպի դիաբետը: Ծրագիրը սկսվում է շաբաթական հիմնական սեանսներով, որոնք առաջարկվում են խմբային եղանակով 6 ամսվա ընթացքում: Հիմնական սեանսներից հետո Դուք կստանաք ամսական 6 հաջորդական սեանսներ, որոնք կօգնեն Ձեզ պահպանել առողջ սովորությունները:

Բժշկական սնուցման թերապիայի ծառայություններ

Medicare-ը կարող է հատուցել բժշկական սնուցման թերապիան և որոշակի հարակից ծառայություններ, եթե ունեք դիաբետ կամ երիկամների հիվանդություն, կամ եթե Դուք երիկամի փոխպատվաստում եք կատարել վերջին 36 ամիսների ընթացքում: Բժիշկը պետք է ուղեգրի Ձեզ ծառայություն(ներ) ստանալու համար:

Գիրության վարքային թերապիա

Եթե Ձեր մարմնի զանգվածի ինդեքսը 30 կամ ավելի է, Medicare-ը հատուցում է վարքային թերապիայի դասերի ծախսերը՝ Ձեզ քաշ կորցնելու հարցում օգնելու համար: Medicare-ը հատուցում է այս խորհրդատվությունը, եթե Ձեր առաջնային խնամքի բժիշկը կամ առաջնային խնամքի ծառայության այլ տրամադրողը խորհրդատվություն է տալիս առաջնային խնամքի միջավայրում (օրինակ՝ բժշկի գրասենյակում), որտեղ նրանք կարող են համակարգել Ձեր անհատականացված կանխարգելման ծրագիրը Ձեր մյուս բուժխնամքի հետ:

Պնևմոնոկոկային պատվաստումներ

Medicare-ը հատուցում է պնևմոնոկոկային պատվաստումները (կամ պատվաստանյութերը), որոնք կօգնեն կանխել պնևմոնոկոկային վարակները (օրինակ՝ թոքաբորբի որոշ տեսակներ): Դուք կարող եք ստանալ պնևմոնոկոկի դեմ պատվաստանյութի մինչև 3 դեղաչափ՝ կախված որոշակի չափանիշներից: Խոսեք Ձեր բժշկի կամ այլ բուժծառայություն տրամադրողի հետ՝ պարզելու համար, թե որ պատվաստանյութը Դուք պետք է ստանաք:

Կանխարգելիչ այցեր

Մեկանգամյա «Բարի գալուստ Medicare» կանխարգելիչ այց. Medicare-ը հատուցում է Ձեր առողջության հետ կապված Ձեր բժշկական և սոցիալական պատմության վերանայումը, ինչպես նաև կանխարգելիչ ծառայությունների վերաբերյալ կրթությունն ու խորհրդատվությունը (օրինակ՝ զննումներ, պատվաստումներ և ուղղորդումներ՝ ձեզ անհրաժեշտ այլ խնամքի համար): Medicare-ը հատուցում է այս այցը Medicare Մաս Բ ունենալու առաջին 12 ամիսների ընթացքում:

Տարեկան «Առողջության» այց. Եթե Դուք ունեցել եք Մաս B-ն ավելի քան 12 ամիս, կարող եք տարեկան «Առողջության» այց կատարել՝ մշակելու կամ թարմացնելու Ձեր անհատականացված ծրագիրը, որը կօգնի կանխարգելել հիվանդությունները և հաշմանդամությունը՝ հիմնված Ձեր ընթացիկ առողջության և ռիսկի գործոնների վրա: Medicare-ը հատուցում է այս այցը յուրաքանչյուր 12 ամիսը մեկ անգամ: «Առողջության» տարեկան այցը ֆիզիկական հետազոտությունն չէ:


Medicare-ը հատուցում է այս կանխարգելիչ ծառայությունները՝ (շարունակություն)

Շագանակագեղձի քաղցկեղի զննում

Այս զննումները ստուգում են շագանակագեղձի քաղցկեղը: Medicare-ը հատուցում է ուղիղ աղիքի թվային հետազոտություն և շագանակագեղձի հատուկ հակագետնի (PSA) արյան թեստ 12 ամիսը մեկ անգամ 50-ից բարձր տարիքի տղամարդկանց համար (սկսած Ձեր 50-ամյակի հաջորդ օրվանից):

Սեռական ճանապարհով փոխանցվող վարակների զննում և խորհրդատվություն

Medicare-ը հատուցում է սեռական ճանապարհով փոխանցվող վարակների զննումը բլամիդիայի, գոնորեայի, սիֆիլիսի և հեպատիտ B-ի համար: Medicare-ը հատուցում է այս զննումները հղի կանանց և որոշ մարդկանց համար, ովքեր ունեն սեռական ճանապարհով փոխանցվող վարակի բարձր ռիսկ: Ձեր առաջնային խնամքի բժիշկը կամ առաջնային խնամքի ծառայության այլ տրամադրողը պետք է նշանակի զննում կամ ուղղորդի Ձեզ վարքագծային խորհրդատվության: Medicare-ը հատուցում է այս զննումները յուրաքանչյուր 12 ամիսը մեկ անգամ կամ հղիության որոշակի ժամանակահատվածներում: Medicare-ը նաև հատուցում է մինչև 2 վարքագծային խորհրդատվության սեանս ամեն տարի: Medicare-ը միայն կհատուցի Medicare-ին իրավասու առաջնային խնամքի ծառայություն մատուցողների կողմից առաջնային խնամքի միջավայրում (օրինակ՝ բժշկի գրասենյակ) անցկացված խորհրդատվական սեանսները: Medicare-ը չի հատուցի խորհրդատվությունը որպես կանխարգելիչ ծառայություն ստացիոնար պայմաններում (օրինակ՝ բուժքույրական ծառայության մատուցման հաստատությունում):



Լրացուցիչ տեղեկատվության համար

Medicare-ի կողմից այս կանխարգելիչ ծառայությունների ապահովագրական ծածկույթի մասին լրացուցիչ մանրամասների համար, ներառյալ Original Medicare-ում Ձեր ծախսերը, այցելեք [Medicare.gov/publications](https://www.medicare.gov/publications) «Medicare-ի կանխարգելիչ ծառայությունների ձեր ուղեցույցը» գրքույկը դիտելու կամ տպելու համար Կամ զանգահարեք 1-800-MEDICARE (1-800-633-4227) և խնդրեք պատճենը: TTY օգտագործողները կարող են զանգահարել 1-877-486-2048 հեռախոսահամարին:

Դուք կարող եք նաև մուտք գործել (կամ ստեղծել) Ձեր ապահով Medicare օգտահաշիվը [Medicare.gov](https://www.medicare.gov) կայքէջում, որտեղ կարող եք տեսնել կանխարգելիչ ծառայությունների ցանկը, որոնք Դուք իրավասու եք ստանալ Original Medicare-ով: Ձեր օգտահաշվի միջոցով Դուք կարող եք նաև ստանալ Medicare-ի այլ անձնական տեղեկատվություն, դիտել Ձեր Medicare-ի հայցերը, տպել Ձեր պաշտոնական Medicare քարտի պատճենը, վճարել Ձեր Medicare-ի հավելավճարները, եթե հաշիվ եք ստանում Medicare-ից և այլն:



Lined writing area consisting of 20 horizontal purple lines.

Դուք իրավունք ունեք ստանալ Medicare-ի վերաբերյալ տեղեկատվությունը մատչելի ձևաչափով, օրինակ՝ խոշոր տպված, բրայլյան կամ աուդիո տարբերակով: Դուք նաև իրավունք ունեք բողոք ներկայացնելու, եթե կարծում եք, որ խտրականության եք ենթարկվել: Հավելյալ տեղեկատվության համար այցելեք [Medicare.gov/about-us/nondiscrimination/accessibility-nondiscrimination.html](https://www.medicare.gov/about-us/nondiscrimination/accessibility-nondiscrimination.html), կամ զանգահարեք 1-800-MEDICARE (1 -800-633-4227): TTY օգտագործողները կարող են զանգահարել 1-877-486-2048 հեռախոսահամարին:

This product was produced at U.S. taxpayer expense.